



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IBANGA 12

ISIXHOSA ULWIMI LWASEKHAYA (HL)

IPHEPHA LESITHATHU (P3)

FEBRUWARI/MATSHI 2011

AMANQAKU: 100

IXESHA: 2½ iiyure

Olu viwo lunamaphepha asi-7.

IMIYALELO NENGCACISO

1. Eli phepha LINAMACANDELO AMATHATHU:

ICANDELO A: Izincoko	(50)
ICANDELO B: Imihlathana emide	(30)
ICANDELO C: Imihlathana emifutshane	(20)

2. Phendula umbuzo OMNYE kwicandelo NGALINYE.

3. Bhala ngolwimi obuzwe ngalo.

4. Qala icandelo NGALINYE kwiphepha ELITSHA.

5. Kunyanzelekile ukuba uwucwangcise uze uwuhlele umsebenzi wakho.

6. Isicwangciso soyilo MASIKHOKELE impendulo yakho.

7. Isicwangciso sakho masibhalwe ngokucacileyo.

8. Icandelo ngalinye labele ixesha ngolu hlobo:

ICANDELO A: imizuzu engama-80
ICANDELO B: imizuzu engama-40
ICANDELO C: imizuzu engama-30

9. Nombola imibuzo ngendlela ekwenziwe ngayo kwiphepha lemibuzo.

10. Nika isihloko esifanelekileyo kwimpendulo nganye.

11. Bhala ngokucacileyo nangokucocekileyo.

12. QAPHELA: Awabalwa amagama akwisihloko xa kubalwa amagama asetyenziswe kwisincoko/kumhlathana.

13. UBUDE BEEMPENDULO

ICANDELO A: Izincoko	340 – 390 amagama
ICANDELO B: Imihlathana emide	100 – 120 (umxholo kuphela)
ICANDELO C: Imihlathana emifutshane	80 – 100 (umxholo kuphela)

ICANDELO A: IZINCOKO

Khetha isihloko sibe SINYE kwezi zilandelayo. Bhala amagama angama-340 ukuya kuma-390.

UMBUZO 1

1.1 Imithi idlala indima enkulu kubomi bethu.

Bhala isincoko esithi, "Ukubaluleka kwemithi".



[50]

OKANYE

1.2 Ubundlobongela bunweniswa yintswela-ngqesho, kukuhlupheka okanye ngumona kusini na?

Bhala isincoko uveze izimvo zakho ngokukhula kobundlobongela kwilizwe esiphila kulo.

[50]

OKANYE

1.3 Umele ukuba unazo izicwangciso ngobomi bakho kwiminyaka elishumi ezayo.

Bhala isincoko esithi, "Izicwangciso zam kwiminyaka elishumi ezayo".

[50]

OKANYE

1.4 Ukungalungi komkhwa wocalu-calulo ngokobuhlanga lwabemi bamazwe angaphandle eMzantsi Afrika.

Bhala isincoko ngesi sihloko utsho kuvokothেকে.

[50]

OKANYE

- 1.5 Bhala isincoko esiya kuqala siphinde sipele ngamazwi athi, "Kungcono ndizilahlele kwiincwadi zam ukuze ndiphumelele ebomini".

[50]

OKANYE


- 1.6 Bhala isincoko esithi, "Ukubaluleka nokungabaluleki kokunxitywa kweyunifomu ezikolweni".

[50]

OKANYE

- 1.7 Qwalasela lo mfanekiso ungezantsi ubhale naluphi na udidi lwesincoko.

Nika isihloko esifanelekileyo.



[50]

OKANYE

- 1.8 Emva kokuqwalasela lo mfanekiso ungezantsi, bhala naluphi na udidi lwesincoko usinike isihloko esifanelekileyo.



[50]

AMANQAKU ECANDELO A: 50

ICANDELO B: IMIHLATHANA EMIDE

Chonga umhlathana ube MNYE kuphela. Bhala i-100 – 120 lamagama (umxholo kuphela). Wubhale kwiphepha elitsha umhlathana lowo.

UMBUZO 2**2.1 IMEMORANDAM**

Kwisikolo ofunda kuso iinkonzo zeebhasi ezithutha abafundi ukusuka emakhaya ukuya esikolweni, nokusuka esikolweni ukuya emakhaya azihambi kakuhle tu.

Bhalela inqununu yesikolo sakho imemorandam ubeke elubala izinto eziziingxaki ezibangela oku kudale ukuphazamiseka ekufundeni. [30]

OKANYE**2.2 ILETA YOBUHLOBO**

Umhlobo wakho uhleli unyaka wonke engafundi emva kokuphumelela ibanga le-12 ngenxa yokuswela imali. Ngethamsanqa ude wayifumana ibhasari yokwenza izifundo zakhe zobunjinieli.

Mbhalele ileta uvuyisane naye uze uphose namazwi enkuthazo. [30]

OKANYE**2.3 INGXOXO**

Ingxoxo ishushu phakathi komzali nomntwana wakhe kuba bengaboni ngasonye ngomba wokuba umntwana ufuna ukuya kubukela ukhuphiswano loonobuhle oluza kuqhutyelwa kwiholo yesithili sabo ebusuku.

Bhala ingxoxo yesi sibini. [30]

OKANYE**2.4 IRIVYU**

Ungene kumzi wokutyela ngeenjongo zokufuna into esiwa phantsi kwempumlo.

Bhala irivyu, uncome ugxeke lo mzi phantsi kwezi ngongoma: ucoceko, iintlobo zokutya, iinkonzo zabasebenzi, amaxabiso nokhuseleko. [30]

AMANQAKU ECANDELO B: 30

ICANDELO C: IMIHLATHANA EMIFUTSHANE

Chonga umhlathana ube MNYE kuphela. Bhala ama-80 – 100 amagama (umxholo kuphela). Wubhale kwiphepha elitsha umhlathana lowo.

3.1 IKHADI LESIMEMO

Kwindawo ohlala kuyo kuza kube kuqhutywa izifundo ngesifo uGawulayo.

Bhalela umhlobo wakho ohlala kwenye indawo ikhadi lesimemo ummeme ukuba aze kuzivela. Chaphazela ezi ngongoma zilandelayo:

indawo, umhla, ixesha, izifundo nezinye.

[20]**OKANYE****3.2 IFLAYA**

Bhala iflaya wazise uluntu ngemveliso yakho okanye inkonzo onikezela ngayo eluntwini kwindawo osebenzela kuyo.


Yibhale ngendlela eya kuthi itsale abantu ukuba bangene, kuba ihamba phambili.

[20]**OKANYE**

3.3 UMYALELO

Ukwidolophu yaseMount Ayliff ulindele undwendwe olusuka kwidolophu yaseMthatha, kwindawo ebizwa ngokuba yiQunu. Sebenzisa le mephu ilandelayo xa ubhala.

Bhala umyalelo uluyalele indlela omaluhambe ngayo ukuza kule ndawo ukuyo. Chaphazela iidolophu, iindawo, iziphambuka, imilambo neebhulorho aza kuziwela.



[20]

AMANQAKU ECANDELO C: 20
 AMANQAKU EWONKE: 100